



D. O. M.
POSITIONES ANATOMICÆ
ET
CHIRURGICÆ.



ORPORIS HUMANI partes solidæ & fluidæ mutuo
gaudent motu ; si flet æquabilis , firmissima stat
integra que viget & fovetur sanitas : cessante verò
æquilibrio & aliquatenùs impeditâ earum actione
reciproca , alteratur solidorum naturalis tonus ,
nativam exuunt indolem fluida.

TUBOS & canales, diversi quidem generis, constituunt solida.
Quidam à sinistro cordis ventriculo ad extremas corporis partes
procedunt ; ex illis alii progengerantur dextro cordis thalamo infe-
rendi : priores arteriarum nomine donantur ; de eorum structurâ .
distributionibus , actione & usu pro viribus differere conabimur.

ARTERIARUM sanguis peculiari præter naturam tumori
præbet originem , quem vocant Anevrisma : hujus species du-

plex ; vel à dilatatis arteriæ parietibus sacculus fit , qui sanguineo latice repletus pedetentim augetur , & legitimum Aneurisma dicitur : vel ex solutâ tubuli unione , à cruore effuso tumor efformatur , huncque Aneurisma spurium appellant.

IN quâcumque corporis parte Aneurismata possunt contingere ; legitima frequentius in partibus internis observantur , spuria verò in artubus.

DARI Aneurismata ab interiorum tunicarum dilatatione , exterioribus à causâ quâlibet divisis , quidam scripserunt ; hæc arteriarum hernias nuncupavêre.

IN Aneurismate spurio sanguis effusus plus minùs-ve post sectionem arteriæ in vicinia paulatim intenditur ; vel tumorem circumscriptum tunicis arteriæ adhærentem , à coagulo in stratum super stratum ordinato , efformat *. Singulis , tùm legitimo , tùm spuris , sua sunt signa , sua cuique prognosis , diversa omnibus competit medendi methodus.

ANEVRISMA legitimum , ab arteriæ compressione , contusione , erosione , nixu vehementiori , & aliis causis cum internis tùm externis oriundum , exterius se prodit tumore ut plurimum rotundo , molli , haud immutato cutis colore , lentiori progressu crescente ; pressione non nunquam penitus evanescit , plus minùs-ve distinctâ innotescit pulsatione ; cui , qualis sit , non semper fidendum , neque hæc pro signo pathognomonico habenda.

SPURII Aneurismatis in quo longè latè que diffusus est sanguis , tumor subdurus , digitis pressus vix cedens , sensilis pulsationis experts , haud infrequenter colorem plumbeum induit.

ANEVRISMATIS legitimi speciem & indolem non raro mentitur Aneurisma spurium , in quo sanguinis coagulum circumscriptè ad formam concamerationis accedit. Hoc à legitimo differt in eo quod solutæ unionis à causâ externâ sit consecutivum , quod pressione quàm minimum evanescat , quod que obscurior ex illo fiat pulsationis arteriæ perceptio.

* De hæc aneurismatis spurii secundariâ specie videatur dissertatio à Domino Petit Chir. Magistr. in Regiæ Scientiarum Academiæ commentariis ann. 1736. pag. 244.

INDOLIS aneurysmatum habitâ ratione diversa favire queunt accidentia. In veris, temporis progressu, tunicarum expansio major, & spontanea demum ruptio: in spuris diffusis, partis ingurgitatio & livor, dolor gravativus; imminentem gangrænam, brevi que nasciturum ex eâ sphacelum prægreditur non nunquam intumescencia partis œdematosa: in spuris consecutivis, tumor durus, paulatim augescens, mole tantum fit molestus, & obeundis functionibus partem prorsus imparem reddit.

CÆTERUM à naturâ, sede, mole, accidentibus, distantia à corde, diversa aneurysmatum deducenda prognosis.

QUÆ in partibus internis sunt aneurysmata, palliativam tantum à generalioribus remediis, tum à moderatâ victûs ratione petendam, & à quocumque immoderato nisu cavendo, admittunt curationem. Exterioribus verò aneurysmatibus perfecta quandoque competit curatio, imprimis à tumoris compressione, aut à ligaturâ arteriæ obtinenda.

ANEURYSMATI legitimo, si ab arteriæ compressione aut coarctatione non oriatur, compressio congrua; modò tunicarum non immineat disruptio; tunc enim operatione solùm, si possit institui, sanabile.

POSSIBILITATEM operationis celebrandæ arguit suprâ arctata, ope torcularis Dⁿⁱ. Petit, arteria, quod quidem compressionem vocant preparatoriam.

IN aneurysmate spurio cum effusione intra textûs adiposi cellulas, tumor, præcautis præcavendis, aperiatur; solutio tubuli solerter detegatur, nervo que, si sit vicinus, ab arteriâ separato, hæc duplicem inter ligaturam constringatur.

COMPRESSIO exterior, aneurysmatis spurii consecutivi indubitatum præsidium; dum modò tumor mole non sit major: hunc ritè diutius que compressum tutò curari posse, prospera docet praxis.

OPERATIONI cum est locus, celebratâ ut par est, rectèque deligato vulnere, victûs ratio tenuis imperanda; venæ sectioni-

4

bus accidentia arceantur & debellantur: fortibus spiritibus gangrena præcavenda & removenda: linamenta carpta vulnere superimposita, donec spontè decendant, relinquantur.

SISTENDO inter operandum sanguini, styptica & caustica, compressiove, non semper tanquam insidiosa spectentur; cum ad illa, quibusdam in casibus, veluti ad sacram anchoram confugere necesse sit.

IN vulneris curatione à remediis suppurantibus supra ipsam arteriam diligenter abstinendum.

Has positiones, DEO JUVANTE, & præside M. JOANNE-FRANCISCO SIMON, Artium & Chirurgiæ Magistro, Demonstratore Regio, Cohortis Equitum Levis-Armaturæ à Regis custodiâ Chirurgo Primario, tueri conabitur JACOBUS MOTHEREAU Parisinus, in Alma Universitate Parisiensi Artium Liberalium Magister.

P A R I S I I S,
IN REGIIS CHIRURGORUM SCHOLIS.

*Die Jovis 24 Decembris à sesqui-secundâ post meridiem
ad Septimam. Anno Domini 1750.*

PRO ACTU PUBLICO.

Typis DELAGUETTE Regiæ Chirurg. Academiæ
Typographi 1750.